


鈴山堂集



神道碑銘

墓誌銘

明故光祿大夫

太子太保南京兵部尚書贈少保

諡端敏秦

公神道碑銘

明故太子小

保禮部尚書贈太子太保諡莊簡李

公墓誌銘

明故資政大

夫刑部尚書贈太子太保諡康敏趙

公墓誌銘

封通議大夫

南京吏部右侍郎瀾雲先生張公神

道碑銘


銘

卷三

目錄

都察院右副

都御史高公墓誌銘





鈴山堂集卷第二十八

神道碑銘

墓誌銘

明故光祿大夫太子太保南京兵部尚書贈少保

諡端敏秦公神道碑銘

嘉靖甲辰正月廿一日尙書鳳山公薨于第訃聞

上震悼輟視朝一日下所司議祭塋如例既乃贈少保

賜諡端敏制得樹碑神道於是公之子都事沐以文請

於予予往與公同仕兩京幾二十年道義交相好也其

笑可以辭按狀公諱金字國声常之無錫人也采出宋

國史院編修直龍圖閣少游先生觀之後先生坐黨籍

鈴山堂集卷第二十八 神道碑銘

屢徙道卒塋高郵其子湛倅常州遷塋錫之璨山因家

焉遂爲無錫秦氏公生而穎異過人弱冠舉應天鄉薦

弘治癸丑登進士弟授戶部福建司主事監督倉場糧

斛差檢勘順天災榜融敏精幹卽嶄然頽脫矣總視諸

司章奏事無難易今畫悉當遷員外郎郎中丁父憂起

復除郎正德間嘗奏乞鹽引每從中報下阻商耗邊

鹽法幾壞公當署奏格之擢河南按察副使督學政

當是時中州之士出公門多顯者初公同邑邵文莊公

督學有吉至是人則稱秦邵云陞左參政分守大梁道

攝師南下因邀與合陣遇賊于陳橋奮擊大破之十人  
立福祀公陞山東布政右使尋轉左使擢都察院右副  
都御史巡撫湖廣至則屬地方連年大水饑饉公蠲租  
賑濟察罷貪吏上便宜八事再上十事其書在國史以  
文多不載又盜賊數起公擒賀璋廖琪于江討稽牽于  
彬桂平叛苗于香爐峰民賴以寧宸濠變起車駕南  
征諸宦寺權要人並緣爲姦橫求有司權勢赫壓公荒  
奏却之諸求少戢在楚餘七年威讐惠流績譽大振嘉  
靖初拜戶部右侍郎改吏部尋轉戶左是時公攝部筭  
清理皇莊整飭鹽法申鹽引前禁督追逋負蓋公既習  
知諸務而益殫厥心力補弊與滯粲然改觀焉錄彬甘  
諸平賊功廕子錦衣百戶世襲公辭乃詔進俸賜白金  
彩幣拜南京禮部尙書旋改南京兵部尙書叅贊機務不  
踰年召爲戶部尙書條奏國儲數事今尙循守不變丁  
亥年六十有一上疏乞歸賜璽書乘傳歸命有司歲  
給輿隸朝臣自宰執臺諫皆以公行能最高年又未艾  
不宜苟遂其退請留公不報公既歸言者不止復起爲  
南京戶部尙書廟丁與改工部尙書加太子少保尋  
加太子太保再改南京兵部尙書以年七十告謝再躡



志務經世博極天下之故識達時變而守之以正  
溫溫樂易當其職守毫髮不可奪歷兩都五部卿正  
勤一節雖退老猶慮切天下事性寡嗜好焚香一室左  
右圖史自娛親課諸孫學業知舊聞遺手自勒狀作家  
乘建四代塋域築祠祀淮海先生配以先世有德者四  
人名曰五先生祠以風示族里蓋巋然鉅公長者矣爲  
詩文純雅可誦所著有鳳山詩集撫湖政要安楚錄雜  
著稿臺省奏議諸疏類稿多梓行於世會祖諱物初祖  
諱景薰父諱震皆累贈至太子太保南京兵部尙書妣  
皆一品夫人配鈕氏累封一品夫人于二人長泮鄉貢  
士先卒次泮廡授南京後軍都督府都事其塋之月日  
與子姓姻媾之詳具在大宗伯費公誌中茲不著著公  
之大者以書諸墓上之石而系以銘曰

秦聲龍圖有斐令德文實擅宋名迺齊軾用弗寃施卒  
死於謫天祐善人懿爾孫子嶷嶷尙書迺誕厥祖十世  
而發振其家祀始仕爲郎令問孔揚允文允武何用弗  
臧教被中士多士斯皇河洛之墟大盜披攘舍爾鳴鐸  
干戈用張訖誅叛亂封邱之陽爰自旬宜以撫荆楚豹  
賁有韜錫以鉞斧熊旂烏章寔總獬虎彼蠢有昏昏是

在之軀... 庶永老告休逝其與處廷有輿論列疏留公歸而再起  
勲望益隆仍司邦計復興司空保釐舊京宮保加崇公  
再歸矣弗祿康矣耆德壽俊民之望矣俄焉長逝乃盡  
傷矣崇階美謚稽實易名高朗令終世莫與倫其倫惟  
何山甫其人夙夜匪懈明哲保身陳詞著德以刻穹垓  
厥聲鴻七百世孔振

明故太子少保禮部尚書贈太子太保謚莊簡李  
公墓誌銘

正德間公爲禮部尚書掌通政司事嘗因天變上勤政

諭董卷天

神道碑銘

四

事戒逸遊重簡賞抑奔競四事不報自是公決意求退  
章六上皆有青憇留之最後請益力乃報可特加太子  
少保歲給輿皂仍賜勅給驛以歸於時廷中稱歎謂有  
急流勇退之風厥後權奸竊柄逆濠構亂乘輿數出大  
臣恟七危懼始皆服公之先見云公臥家餘二十年年  
八十有五景泰丙子正月元日爲公之生其卒嘉靖庚  
子五月五日也訃聞 今上皇帝詔有司給祭葬如例

又特贈公太子太保賜謚莊簡嗚呼若公者益清德懿  
行鉅公者矣公諱浩字師孟姓李氏世爲山西曲沃人

以書經舉成化癸卯即薦明年登進士第初授都水



事管呂梁洪故有役夫數千辦椿草銀錢歲若干緡公  
至悉罷之止令於農隙採辦備用而已署鄰巨豪伺官  
府短長前任者多爲所持獨於公不敢近收戶部主事  
丁父憂服闋改兵部中駕主事陞員外郎奉勅清理畿  
內諸土田奪豪右侵占者若干頃還之民陞職方郎中  
爲尙書鈞陽馬公所稱重委攝諸司章奏 冊封代府  
溧陽王克副使凡所餽贈拒弗受陞通政司右叅議轉  
左叅議持節克正使封晉府雲邱王歷陞左右通政順  
天府尹時久旱䟽論畿甸民所疾苦事當罷行者詔嘉  
納之逆瑾擅政無名需求甚急公一切裁抑數與面議

可否侃侃不阿聞者預縮而公不爲沮瑾乃曰使偵公  
過矣然竟無所得也居二年改通政司使轉兵部右侍  
郎尋轉左兼理武職賂黃嘗攝工部篆修朝陽門城垣  
通州新城公咸督其工乃䟽愼郊圻固封守革冗費修  
戰具數事多見採納以山東盜平陞俸一級賜白金彩  
幣丁繼母許淑人喪賜祭葬給驛以歸服闋召拜禮部  
尙書仍掌通政司事食一品俸賜金綺斗牛服色未幾  
䟽乞去位公去後臺諫累䟽薦公當復用而公已老無  
意於世矣公器宇淵岸論議偉出雖退處邱園每聞朝

如已子歲時事先必謹者家訓以示子孫雖隆貴自奉無異寒素好學問文章雖老不從所著有南莊稿歸田集藏於家曾祖諱思賢祖諱齡考諱禎高密縣丞皆累贈通議大夫兵部左侍郎祖妣賀妣鄭皆贈淑人配因氏累封淑人贈夫人子男四長曰金卽弟死撫爲己子者也仕爲宜君知縣次鋪河南道監察御史次鎮國子生次鈞秦府左長史孫男六承先承德承華承詔承賜承寵孫女六曾孫二曾孫女六御史君以辛丑某月日葬公於某山之原而奉狀屬嵩以銘嵩昔在翰林嘗得望見公之顏色公得謝歸實賦詩以道公之行者茲重以御史君請銘笑以辭銘曰

徐篑卷天

墓誌銘

六

公生有徵吉夢是占厥憂維何有遺之衡公沒不亡去而上昇又尚徵之羣鶴降迎維古異人發祥匪偶受氣取精亦孔之厚屹屹李公三晉所宗含和蘊靈令德在躬祇事三后薦登八座大受之用聲無不可乾崇道鑿大阿倒持衆懷睚眦獨炳先幾揚策都門脫屣名路鴻飛冥冥弋者何慕既壽而康天歸百祥澤不永施厥後乃昌佳城鬱其藏有石勒銘告幽以示無極

明故資政大夫刑部尚書贈太子太保諡康敏趙



今上卽位之初疇咨簡賢登于大僚繼時趙公以茂德  
耆望簡在帝心擢南京刑部尚書尋召掌北曹公抗顏  
執憲棘棘無少避雖微有室近而勁正不同無何引疾  
乞休詞極懇切 上重違其志詔給驛以歸有司具輿  
皂月廩皆逾恒品陛辭 上復製古體詩十韻親灑宸  
翰以賜大臣謝事得賜詩近所未有蓋異數云九廟成  
詔進階榮祿大夫備禮存問公優游林下享年八十有  
四以嘉靖丁酉七月九日卒訃聞贈太子太保諡康敏  
遣官營兆恩禮備至可謂榮名完節福履令終者矣公  
諱鑑字克正青州壽光人也幼從父隸籍京衛遭母喪  
歸免喪為學宮弟子舉山東鄉薦登成化丁未進士授  
知蕭山縣在縣廉愛有惠政去後民思祠之擢監察御  
史歷視馬政鹽法奉命按宣大時虜酋火篩犯境朝命  
平江伯陳銳等帥兵討之師久不進公疏劾之又陳方  
畧甚悉於是兵將奮勇連戰皆捷虜爲遁去公爲御史  
久數推京寺要職值逆瑾用事出公知安慶府旋改順  
德府瑾誅乃擢浙江叅政陝西右布政進右副都御史  
巡撫并肅歲大侵公疏請出內帑賑之及貸富人貨糴  
易粟隨所在給以粥食全活甚衆又令官給牛種勸之

徐崇卷之三

墓誌

七

却吐蕃復吟密奪地璽書嘉勞改視南京院事後命理  
閩浙鹽法入視院事轉大理卿公於法比素精嚴而宅  
心平恕爲刑書會芟治諸巨寇種種按伏咸得其情逆  
濠之變宗室坐繫者衆公跣止坐元惡請釋其株連者  
以故獲全者二百餘人一日待漏直廬朝士有恃寵徑  
入託之私者公叱之曰此豈汝寄請地耶聲色俱厲聞  
者壯之公素性好士樂善雖曲折不能容人之過而怒  
過弗藏故人弗怨之臨事決議能以二三語折衷靡不  
服學士石熊峰稱之曰清樸忠實時以爲實紀云祖諱  
鐸考諱福累贈如公官妣李氏贈夫人元配劉氏繼許  
氏贈封皆夫人子男二長岳以蔭歷官都勻知府次岳  
國子生女四適孔淮韓元佑鮑文臣李洞予昔官南京  
翰林公折行輩禮之至是太守君書來屬爲銘曰公之  
遺命也嗟乎豈以予爲知公者哉然不可辭序而系之  
銘曰

乞乞司寇屢方蹈古正色廟堂孰余敢侮人亦有言仇  
直罕容道行志得性 聖之逢公疏引年翻其解組  
帝曰嘻哉去我賢輔陸有乘傳廷有賜詩 皇眷優常  
聞者嗟咨卹典賁終易名節惠吁嗟良哲可式有位



先生既葬之二年今少宰公貽書其友嵩曰邦奇不類少也未嘗一日就外傳大人授之經始學爲文擊節擴塞俛知向方有所過僻因事示戒徐誘而默喻之及旣仕猶然夫藝我九我教不與焉若邦奇則罔極之痛尙何言維墓碑有文焯德發潛垂世弗朽者惟子是託矣嵩謝非其人蓋閱歲而督命益嚴廼考次行錄得先生治身行己之悉而謹志其大者序而揭諸墓序曰先生諱時敏字日新姓張氏寧波鄞人也聰明沉厚毅然不苟戲笑早入縣庠通易詩二經遠近爭迎以爲師

徐鶴集卷天

墓誌銘

九

稟聞來學造就日衆少宰公親承指授陶鎔淬濯遂大成其器文聲重館閣而先生屢試有司輒弗偶其內修之行旣足稱于家邦而世之有權力者氣者知先生莫能深故卒以窮始先生以爲君子之學要自期於古人立身如程明道濟世如韓魏公范文正公避俗如陶靖節自約如馬少游桓舉以爲法讀書匪尙博諳經史要語切于心身者書諸楹壁而時觀之允迪之蓋先生所自志者如此其於世俗得喪歡戚不以屑意也先生弘裕以容衆矜嚴以正物全己以守貞純儉以存戒謂鈍

爲制謂拙爲巧謂樸爲華凡先生之行已若此及所

淑其子者皆出於長厚誠懇是以平恕釋欲革檢亡檢  
消鄙敦薄挽末俗進之古可謂淑人君子者矣先生博  
極羣藝陰陽星曆山經地志姑布子卿之術靡不洞曉  
然鮮言之爲詩冲澹和平所著洞雲稿藏于家初以少  
宰公貴封翰林院檢討繼加四品風憲服郊恩進封通  
議大夫南京吏部右侍郎先生素志經濟及受封則絕  
意世故日與親舊觴詠自適於溪山雲月之間享榮養  
者二十有五年年七十有二嘉靖辛卯二月甲申以疾  
卒 上聞賜諭祭命有司營葬事乃以是年十二月丙

申葬于封港祖塋之次祖諱純父諱忱贈如先生官配

餘集卷元

墓誌銘

十

沈氏封孺人進封淑人生子二邦彥惠而早卒次卽少  
宰公次邦韶邦禮側室董出女二學生裘穆徐榘壻也  
孫男子中子釋子兆子望嵩聞諸古之士學成而道德  
明秀則進爲公卿大夫暨百官之選其後國論不及乎  
里巷之隱士之修己者恒誦於程試之文顧以先生之  
材與行而不見知遇不免少施于時則爲善者何以勉  
焉雖然乃有今少宰公有道而文爲時名卿嗚呼蘊必  
發其在茲乎序而系之銘其詞曰

崑岡之璞瑜瑾內全瑩七精氣浮于山川祖徠之松磴



棟梁子彼鴻構猶嗟先生行直道方材宏莫用匿耀合  
章惟其不有以惠後昆是生少宰實大其門過庭受誨  
匪色匪言如彼蒙泉弗汨其源渾渾其積藁藁其宣文  
世宗之行世儀之惟其身教式穀似之天曹嚴七百僻  
具瞻甄別賢類以贊化元猶嗟先生迹晦道光爲不自  
躬厥慶彌長榮莫與夷眉壽多祉湛恩洪厯未見其渙  
刻詩墓門以詔來禋

通議大夫都察院右副都御史高公墓誌銘

嘉靖己丑三月一日都察院右副都御史仰峰先生高  
公卒于家惟國家於大臣之終具有卹典於是詔命

欽定四庫全書

墓誌銘

十一

有司營葬仍命官諭祭如制是年十月某日葬公於里  
澤埗子祉貽書京師以公遺言謂嵩使誌諸墓始公識  
嵩於諸生中薦寵之頃被召國學公送之彬江之潞執  
手語曰吾老矣不及見子墓石之文惟子是託也嗟乎  
予曷可以不銘公哉予又曷忍銘公也哉謹按公諱琬  
字德資成化戊子占江西鄉試戊戌登進士歷知松陽  
上海二縣召爲南京貴州道監察御史陞松江知府陝  
西洵廣叅政右布政浙江左布政已而拜右副都御史  
撫治鄖陽公器貌端正爲政矜嚴持大體曉達民事慎

屬邑也地大賦繁公至減官糧加耗奏以餘糧編銀顧  
夫民稱省便官稅徵解歲有羨餘數百金前政者例受  
之公初不入于心則斥以建學舍齋閣廡宇館傳之敝  
圯者鋤抑豪強發擿姦伏屢辨疑獄終其任無敢干以  
私聞父喪卽日奔歸民懷慕齋餽追至其家一峻拒之  
爲御史風裁凜峻出按蜀戎籍持平不苛稽審有法衆  
號得體適松守缺松人咸願得公爲守語聞吏部以公  
往益公前在上海威信旣孚於民又熟其利病及爲郡  
益邁往蹕厲凡所興革弛張舉措務建經久長利期無  
遺便乃已用文學飭吏治考大成之樂聞詣學宮飲射

鉛筆集卷五 墓誌銘

十二

讀法率學官弟子親爲講說課試高等者慰寵之飭陸  
宣公周文襄之嗣表忠節貞孝百廢具興松故饒財俗  
尙侈靡公身爲儉約先之食不重肉客至豆觴魚鱸果  
脯一飯而已禁饗燕俳優雜劇不一陳於前考公所爲  
庶幾君子德義之風矣撫卹時劇寇劉七猖獗連河鄧  
襄蜀數州患之都御史彭公澤專總制公受勅調漢土  
兵併力追勦計畫勞勩渠黨就獲聖書獎勵有襲衣白  
金之賜衆方多其功卽爲言者所抑得旨召公將別用  
之公還過家卽回不復仕矣有司議平賊功猶以白金



以請詔賜誥進階通議大夫祖諱原亨考連江丞諱  
任忠皆贈通議大夫都察院右副都御史祖妣某氏妣  
胡氏皆贈淑人蓋異數云家居十有五年年八十有五  
履行重一時前後部使數致粟帛禮於其廬高氏之先  
出安成之簞橋有諱隆者來家宜春與中表劉以文厚  
善以文無嗣隆以次子原亨嗣之遂冒劉姓卽公之祖  
也公三世皆仍姓劉嘉靖壬午祖領鄉薦會試禮部始  
以公意疏于朝復姓高公篤倫理伯兄琦弟璨友愛甚  
主舊田宅悉推與之而別創以付祖等從兄孟覽客遊  
湖湘卒遺孤禧公撫之如子官邸與祖就外傳長娶以  
室服用惟均祿今聽選監生其他親族賴公賑贖殮厝  
尤深顧自公視之皆常行不及悉書也公元配成氏繼  
王氏皆贈封淑人子男四長卽祖次陰陽調科祥次祐  
蚤卒次祿女適都御史張公鳳子汝功指揮使石公方  
次子宮俱國學生孫一人曰元錦曰抑抑高公繼行之  
持贖彼玉雪弗受磷緇爬梳濯濡威惠並施厥政在民  
旣去而思位方曰融器也大受退處而休厥用弗究公  
雖告休而龍無己金幣諸書卽命于第考終大耋福履  
具完 皇有異恩賁于九原納銘昭德以告弗諼

誌銘

南京大理寺卿王公墓誌銘

南京大理寺卿傅公墓誌銘

前大理卿湯公墓誌銘

翰林院檢討易君墓誌銘

御史楚蒙黎君墓誌銘

廣西左布政使陳公墓誌銘

江西左布政使邢公墓誌銘

於山堂集卷二十九目錄



墓誌銘

南京大理寺卿孟公墓誌銘

公起家河南年二十三舉進士爲行人時公之內弟何子仲默方有俊名與其羣李獻吉王子衡崔子鍾出勤甫及公日切劘爲文章揚摧風雅以相振發酒食會聚娑娑酣嬉以相樂時稱十才子已而公選入內臺爲御史卽抗疏論劾當道大臣用是下詔獄謫桂林郡學教授天下又皆高公之節而諸子者亦各以氣節自著不獨稱才也公由桂林稍遷汶上知縣嘉興府同知擢湖

餘卷二十九 誌銘

廣按察僉事持憲專決耻唯唯恭遜意小拂卽日挈舟徑歸引疾致仕嘉靖更化錄閒廢諸賢乃起公山東僉事陞布政叅議陝西叅政拜都察院右僉都御史巡撫寧夏尋改督儲南京公居南京一日聞太夫人居家疾劇卽解印馳歸或以職守難之曰吾安能顧此耶會改公總理河道命下值郊恩馳封躬捧冠輅至家踰四旬太夫人乃殂時論謂公孝感所致云嗚呼士平居學問談理道至君位臨事擇利害爲趣舍端端恒忠失之考公所歷履侃直自遂邁往弗回志節可概見所謂篤信

子學者非耶及令公履高直當大事其不爲也

猶時也必矣是歲三月公服闋拜南京大禮卿承襲  
駿補用矣到官甫五十日遭疾遂不起則豈非命也夫  
其可悲已公諱洋字望之姓孟氏生成化癸卯五月二  
十三日卒嘉靖甲午七月二十五日年五十有二孟氏  
其先金山人曾祖眞童國初爲永平衛千戶祖勝諡信  
陽以功進指揮僉事故今爲信陽人考諱山贈都察院  
右僉都御史母孫氏封太恭人配何氏封恭人生子朴  
而天公居憂時以弟澤子祀爲後今側室一子楷方在  
抱於是一勝方娠也公其必有後乎公坦易諒直與人  
交無諂容無詭辭居官務大體所至聲色不動而績効

鉛雲集卷二十九 誌銘

畢著平生休人以義散俱盡死之日至無以爲歎方屬  
疾卽以後事屬都憲顧公華玉及通政林公懋易二公  
者日往問焉其終也親其歛焉凡歛之具吾同年各出  
金爲賻留都諸卿皆賻焉於歛之十日何恭人携其子  
自信陽馳至都憲馬公敬臣則自淮具冊以歸公之喪  
將以其年月日葬何恭人曰夫不幸不可俾遂泯泯無  
傳乃請于顧公述狀而屬嵩爲銘嗟夫予曷忍不銘公  
哉銘曰

相古達人以死爲息孰爲短終悲也奚益直嗟公德名



公以都察院右副都御史巡撫滇南既被命改南京大理卿當行矣尋甸武定土酋俱亂抄掠諸部圍逼會城勢張甚公曰吾可諉而去乎是時公已被病乃力疾巡城發部兵以討賊賊尋破優詔嘉獎有白金綺幣寶鏹之錫公經理條畫起居無時既行至鎮遠則疾甚弗起嘉靖戊子五月廿一日也年六十有七訃聞詔有司營塋事遣官諭祭如制公少刻苦爲學家貧寄食京師以羽林戎籍補順天府學生領京闈鄉薦丙辰登進士授大理評事詳識不私遷寺副繼遷寺正奉命慮囚于河

南再泄湖廣多所平反遺瑾擅政嘗欲脫入于罪公持

三

弗可瑾怒中以他事逮公繫詔獄謫浙江布政司理問已而復逮至京禍出厠測或勸可暗免者公委順守正一無所移人咸危之然公居官素防檢密無可搆撓瑾終莫能害也擢山西按察僉事陝西兵備副使調廣西右江有平賊功進俸一級陞貴州參政按察使廣西右布政使雲南左布政使拜都憲卽撫其地公所爲政計罷瘵之氓按貪暴之吏前後數任皆在邊方勞効畢著比及內召而公弗祿矣公諱習字本學姓傅氏南昌進

明昌以公初命贈爲大理評事公娶高氏封孺人二男  
子鎮守忠皆縣學生女一適府學生熊梅孫男疇孫女  
二長適黃墨次許聘太守萬公鑑之孫斌傅與萬世爲  
婚姻守忠今南臺總憲治齋公壻也公之卒也惟守忠  
在側扶柩歸與其兄以某年月日葬公李坡橋山之陽  
而來金陵以求予銘嗚呼公起諸生徒步宦學屢踐艱  
棘終以就立顯庸于時庶幾堅忍果毅致遠受大者矣  
乃論次行事而銘之銘曰

維傳之先說相有殷克邁種德代襲其芬公奮自田啓  
蹟羈旅文優以仕若契而取奸人擅朝重足屏息率其

欽定四庫全書  
大理府志卷三十九

四

方剛威我弗揚旬宣列省績美具稱書載俊父詩詠國  
楨大鄉旣命取務穰起勳亂削平惟義之濟鞠躬盡瘁  
奄忽姐終裏尸萬里孰謂非忠刻銘于幽善履孔最以  
告後人傅氏之隧

前大理卿湯公墓誌銘

六年夏晉有疑獄 天子下三法司集議羣臣連奏讞  
不稱 上旨皆坐免官時大理卿湯公與在遣中久之  
上意明羣臣無他漸次召復而臺諫部使爭言湯公賢  
宜復用章凡數十上公里居六載嘉靖十一年八月



月三日葬於邑散山之原公仕而廉雖踐大卿無  
蓄以故久弗克葬其塋也禮弗克備其孫世賢謀于叔  
父雨曰塋宜有銘以昭德垂遠可弗圖諸乃以其姻張  
太史袞所述狀以來請銘公諱沐字新之姓湯氏常州  
江陰人也幼時讀書學文不假強教舉成化丙午鄉薦  
第六人弘治丙辰登進士第選爲崇德令其爲政感惠  
信著吏急民寬褻延庠校風移化行比其去民思之爲  
其立祠其召爲監察御史舉彈無所避其陞湖廣按察  
會事旣行矣逆瑾方擅政怒不已附復斥爲武義令瑾  
敗起爲廣東僉事督理鹽課泐剔抉靡宿弊澄革遷福

拾遺卷二十九

詩錄

五

建副使嘗朝覲故相楊公一清柄銓衡舉天下方面治  
積超最才可大用者數人疏請表異公名在列陞江西  
按察使浙江廣東左右布政使拜都察院右副都御史  
巡撫貴州改巡撫四川芒部寇亂治軍行師謀慮精審  
地方底平璽書勞美賜白金彩幣召掌廷尉公姿貌凝  
重吏治精達任公竭節議法處令爭棘不撓上方篤  
於委任顧以一肯廢則所謂命也非歎公歸屏居城南  
野服課農訢訢自適邪大夫見語不及私見不善中疾  
之若將浼焉卽而不忍顯曰人更種長尊微時所識被

親治後事甚悉猶口誦三詩以國恩未報爲恨曾祖諱  
眞德弗仕祖諱鏞父諱虛並以公貴贈都察院右副  
都御史母胡氏贈淑人元配陳氏贈淑人先公二十年  
卒公終身不復娶旁無媵侍焉子男二長雲七品散官  
先卒次雨大學生女適義官周都孫男二世賢適長承  
重次世勛二孫女適夏尙綱何應期朱伸曾孫一舟  
公內外行完崇約惕盈施於有家榜其堂曰知艱自爲  
文遺世賢曰守此足以保躬矣世賢蔭補國子好學而  
文予所教諸生也以公遺命請予爲銘銘曰

銘

卷三十九

六

惟昔江陰仕鮮顯榮八座登朝奮始自公惟公之興莫  
匪躬致德立位來若契而取終焉奄躋失署亡資衆論  
則歸豈足瑕疵考其初終淑善可儀天不憖遺君子之  
悲廉以檢已儉以師後公名不忘世以永紹

翰林院檢討易君墓誌銘

君長沙攸縣人易氏諱舒誥字欽之弘治乙丑進士選  
爲翰林庶吉士三年授國史檢討君始業進士不工爲  
古文辭既入翰林始盡棄其前所學慨然慕古人所爲  
而力追之取左氏先秦西漢之書晝誦夜思鉤玄致隱



唐而書體尤工由是名譽暴熾振發聞海內齊章屈然  
莫與之京矣蓋君所自力者如此爲檢討踰年以忤逆  
瑾意調南京戶部主事瑾誅乃復爲檢討謁告歸省念  
二親年高留侍不忍去臥家十有四年絕意榮利隱操  
沉靖臺臣部使交章薦之旣而居親之喪將釋服人以  
謂君自是可出而仕且顯用矣竟以嘉靖丙戌十二月  
十三日寢疾終於家年五十有二云嗚呼天之生夫人  
也旣畀之才矣而不副之以須臾之壽使少待以酬斯  
人之望竟何意義竟何意義予往歲奉使桂林與君會  
南嶽下今少宰甬川張先生時督學湖南適偕會留憩  
浹旬窮嶽之勝而別余三人者同爲庶吉相好也及予  
桂林還則又問道于故攀證緣崖歷險遠以造君之廬  
歎語再宿乃別然孰意自此而訣也悲夫君嘗生二男  
子皆殤卒以無嗣今治君之墓而來請銘者壻陳惟健  
也會祖諱耀祖諱顯考謹萬福贈如君之官母劉氏配  
蕭氏封皆孺人君卒之明年十二月二十八日葬在母  
墳高山之陽以蕭孺人祔銘曰  
蹇于仕不憇施以年而且無子嗚呼歎之行過乎古人  
而文高乎當世其傳在此抑又奚悲邪

時純熙居可爲之地奮庸効績致君於理而澤加於生  
民豈非士者所願哉然是數者恒患于莫能兼夫時難  
得而易失也各難成而易毀也用舍易遇愛憎殊好是  
故雖有難得之才而罕究其用或連蹇弗遂以沒此有  
志之士所深以爲惜也黎君諱鳳字乾兆自爲諸生博  
學工文詞已有俊名舉弘治丙辰進士授行人拜河南  
道監察御史當是時 孝宗皇帝御天下圖惟治理獎  
寵臺諫君感激自效論諍諤無所避明習吏治事至  
能洞燭顛末長憲者有大事必召君議君操牘書奏援

欽定四庫全書

八

據古義傳以文法時出新意以佐其說橫貫超絕儕輩  
莫能及也及出按南畿剔姦振弊發擿隱伏有豪右武  
斷根節盤固更敷政莫能治君至卽寘于法威鎮遠邇  
尋改督南畿學政掄材造士人稱公允蓋君遭時行志  
要欲邁往自樹慕古各人所爲而才克濟之無何正德  
之初權姦柄國挾宿憾竟假考察斥君歸矣嗟乎天之  
生夫人也而命之如此吾不知其何如也君旣歸學士  
大夫惜君者多擬薦之然格於例終莫之遂君惟自放  
於山泉雲石間卜居古城構冢耕之堂日引親舊聯對



觸觸感惻盡然以悲云君世家新喻北蒙山下學者稱  
爲楚蒙先生所著有蒙耕錄奏議詳刑諸藁藏於家曾  
祖諱敏才祖諱明啓考諱紹魁贈如君之官母劉氏封  
太孺人君兄弟五人其季曰龍乾德踵君舉進士爲御  
史至廣西按察副使君初娶敖氏繼李氏贈封皆孺人  
子曰天監邑學生予壻也君生成化乙酉六月十一日  
卒嘉靖丁亥十一月廿四日得年六十有三以卒之三  
年庚寅月日塋祔祖里冷塘先御史府君之墓左君嘗  
囑其子曰吾畏罕人知脫不諱當求汝外舅銘吾壠至  
是天監奉遺命以請嗚呼予尙忍銘君也哉然曷忍不  
銘乃書之庶幾以識予之悲而慰君于地下銘曰  
嗚呼君何歸乎芒乎昧乎其神曷之而形返茲土惟耕  
在蒙惟塋在祖尙永其承以受多祜

廣西左布政陳公墓表

中奉大夫廣西左布政使陳公以嘉靖乙酉四月十五  
日卒于南昌之里第塋新建縣之觀音山越六年辛卯  
正月二十二日夫人彭氏卒于其子刑部主事冠之官  
舍而冠扶柩歸以是年月日與公合塋乃來求文以作  
公碑謹按大夫公諱奎字文表始爲諸生學成久弗試

部使以年別則之或曰名士可失乎度之德願皆備登

時逆瑾用事公往覈甘肅邊儲忤瑾意褫公微過逮赴  
詔獄久之得白擢山西按察副使河南按察使山東右  
布政使廣西左使凡仕二十四年其行事可紀者衆矣  
在廣濟廉正率僚闡戒私謁俗號嚚訟常伺吏得失爲  
傾陷計公治其桀黠者數人羣黨爲戢刊諭俗之文教  
民行冠婚諸禮改作廟學買民地以廣黌舍程藝相勸  
學者由是日起歲大侵貽書富民咸願出宿峙助賑全  
活甚衆罪贖所入至瓜代粟積不下數萬邑人銘其政  
于石在御史論事無所避出按廣西風采整峻監臨試

拾遺卷二十九 誌略

十

事稱得士在山西築城南關工費甚鉅公規畫有方城  
成汾河大決將逼城民惶擾不知所爲時方歲凶公出  
廩粟二千七百有奇募貧氓計口日給令濬河導流由  
故道城得不滅而餓者亦賴以賑屢殄劇寇而不任其  
劫公前後所歷皆憲職慎於刑獄精斷明恕竄正吏贖  
運筆如流吏抱案植立不得出一語屢獻大辟可疑者  
率破械釋之而姦賊之吏則按劾無少貸蓋公施於政  
者如此然以性執直不能隨世俯仰爲貴要所忌獲不  
根之謗言者論公前在河南嘗爲逆藩市馬朝廷下所

司考驗無幾徵實亦能事王得白而公已卷且休矣



方剽寇適奉使南方聞道歸侍公無他語但教以守  
官報國壘制從儉而已夫人新建右族有純行內外稱  
賢子一人卽荆部冠也女適上舍生方侃子一桂孫男  
三曰賜曰旼曰貽陳氏之先爲江州人後徙吉水五世  
祖天錫徙南昌天錫生子隆子隆生銘銘生聰浙江餘  
姚縣簿公之考也贈爲監察御史嵩聞諸君子之論曰  
大夫公飭已厲行期自樹遇事敢往有爲乃一遭污蔑  
卒黯抑終其身惜哉嗟夫愛憎異情則譽毀易論今之  
士其不幸而蒙此者亦多矣豈獨公哉論次終始作爲  
銘詩庶幾以詒於後世銘曰

餘嘉卷十九 誌銘

十一

仕旣孔材兮克奮于時端厥銜策兮周道以馳前無禦  
者兮後忽忘之我修不苟兮何有磷緇吁嗟陳公兮銘  
以余辭

中奉大夫江西左布政使政仕邢公墓誌銘

嘉靖壬辰夏六月三湖先生邢公卒于當塗之私第其  
年冬十一月塋高淳之花韓岡子鄉貢士塋進士址以  
予舊嘗知公來請銘予曰昔在己卯豫章之變公等合  
謀舉義大難以夷厥功偉矣顧抑於吏議公歸老三湖  
材用弗究君子惜焉論次公之行事以顯示來禩其誰

曰不宜謹按邢氏其先河間人有諱鵬者徙家當塗

陽實始祖也會祖諱震祖諱純皆不仕考諱思贈南  
刑部主事公諱珣字子用始舉進士授南京戶部主事  
改刑部轉員外郎郎中復改戶部忤逆瑾褫職爲民瑾  
敗復起除工部前後皆職留署名稱蔚起擢知贛州府  
事壤接閩廣嶺嶠險絕多盜有劇盜蒲總等公推誠論  
撫之率衆來降授以廬舍給牛種俾居耕豐其犒賜他  
盜起乃藉以禦盜修古鄉社約大新學宮飭周元公趙  
清獻之祠文教聿興焉正德丁丑南安龍川羣盜雲擾  
扼橫水岡左溪諸峒時調楚兵來征公爲設方略督士  
衆悉擒平之已卯逆濠遣使齎重賞誘蒲總兵爲助蒲  
執使者言于公公曰吾固練兵集糧待之爾輩云何皆  
頭首願自効時都御史王公守仁知府伍公文定起義  
吉安公卽日部兵來會次樟樹鎮時徵諸郡兵尚未至  
公曰賊雖出城虞我師掩其後逗留不前今須馳據南  
昌否則賊兵還復入城猝難攻矣乃卽拔兵三日夜抵  
南昌諸兵入城縱殺公曰王公出令禁之軍乃定濠至  
安慶聞城破復還屯黃石渡距我師時伍公兵爲前哨  
始交鋒失利公倉皇馳援親執旗麾兵進刺其渠帥追  
斬數十人賊勢稍却諸兵對江而陣時南風甚疾公遙



浦澤小舟薄之炬舉風迫烟烟蔽天賊亂爾亮相枕藉  
濠遂成擒事聞詔卽陞公江西右叅政時城新破民物  
剝夷又浚水爲災二三巨寇屯兵久駐貪暴加慘公相  
循經畫勞甚今 上登極首議賞格言者謂公等縱部

兵殺掠太多議久不決公亦屢疏乞休乃詔陞公左布  
政使致仕公歸口不言功有問者亦不答也杜門玩經  
史自樂修家譜買田置義舍以濟族人之貧先墓久湮  
者各表石識之公性剛介寡合然遇人以誠有君子長  
者之度焉爲文章典實精確所著采芹餘興北行紀事  
秋臺小記憂居歸間二錄水曹日記章貢雜稿江藩隨  
筆歸田野語藏於家生天順壬午七月十七日享年七  
十有一配安人楊氏子五長鑿次壘次址次坊次堽府  
學生女一嫁士人劉輅銘曰

徐霍卷三九

十三

維古郡國民兵是職予以附衆予以威敵今之邦侯壤  
地攸似簿書其營邊郵武事顯允邢公奮起于時文治  
武功式克兼之虔萃寇區桴鼓數起撫順摧寇所向披  
靡惟公之謀決勝制青湖海潁川芴烈與夷漢漠不道  
亂我天當我致其身義旅肅將赤旗陽陽軍于黃石烟  
塵晝冥電掃靈擊惟公之忠毅形於邑革其劬勩以定

反則天眷 聖明宸旌有歸江漢廓時大日登程惟天

生賢亮以資世平國大難若儲而俟 帝曰休哉惟爾  
膚功何以報之嶽伯之崇公則來歸角巾私第避寵辭  
榮人孰我忌性其名德福祉優優永世弗忘紀石茲邱

餘叢卷五



鈴山堂集卷第三十目錄

誌銘

叅議符公墓誌銘

朝列大夫浙江布政司叅議徐君墓誌銘

贈奉政大夫浙江按察司僉事朱公墓誌銘

奉政大夫福建按察司僉事伍公遷墓誌銘

南京句備晏公墓誌銘

知府馬公墓誌銘

知州鄭君墓誌銘

參議符公墓誌銘

公少刻厲讀書食城北浮屠足不踰戶閫數年學藝大造以禮經占弘治乙酉江西鄉試明年舉進士南省第五人選知溧陽縣法古爲政諭民重禮敦俗督勞燕田濬築陂渠潴洩以時旱潦有備鋹止豪右屢察疑獄脫數人於死徭役編審有法吏不得爲姦修學舍祠名宦鄉賢立貞女廟作義阡遷塋八十餘塚溧人鐫石頌焉陞高州同知丁父憂服除補辰州改作黔江溆浦二

鉛山縣志

卷三

一

學以聚山川之秀召吏民子弟親爲講說誘勸以文藝學者日起正德己巳擢爲廣西按察僉事分巡左江會蓋賊構亂一日謀報賊衆分攻平南賁桂三邑公卽督兵馳至平南江伺賊半渡擊之斫其渠魁中流淪沒不計其數自始發兵及後賊所以破滅皆如公計衆謂公儒者料敵制勝乃爾潯衛將有與卒訟田而久不決以危言脅公不爲動竟質平焉澤民奏田少稅多期得減賦公曰必使田浮則欺土必使稅浮則損下當驗實使田賦兩平耳已而田畧不少衆帖服矣乘險阻冒瘴癘



公所爲政志在便民有所建置期必行雖忤上官  
不少恤不能効世吏飭厨傳將迎所至有聲蹟而貴勢  
多不合以此淹久無助處之裕如也公不苟取予在溧  
陽於驛後得古藏銀悉易穀以賑貧民居家盈縮無所  
問家人時以覆告徐曰若等自經理之可矣杜門脫物  
十有八年足跡不一至城府提學使者請主白鹿書院  
亦以疾辭朔望謁先祠坐堂上率家衆道古今孝友節  
義定規約數十事俾世守之公於書無所不觀自經史  
子集至於天文星曆地里醫卜罔不研究手自鈔錄垂  
老不輟其於學大有得也所著有活溪存藁若干卷選

鈴壙集卷三

誌銘

二

唐宋元國朝近體詩歐蘇文選醫家纂要地理集奇諾  
書藏于家公諱觀字衍觀學者稱爲活溪先生姓符氏  
世家新喻之金田祖謹剛考諱勤皆鄉里長者考以公  
故贈深陽知縣公生正統甲子八月十八日享年八十  
有五嘉靖戊子九月三日卒配張孺人先卒塋潁江之  
南楊家寨卜以卒之明年月日啟壙而合塋焉二男子  
錫銳也錫好學以文藝著稱通判韶州徵爲太常典簿  
至是錫奉狀拜泣請予銘公之墓予觀士大夫能學不  
厭及仕號爲廉靜謹潔不爲利疚雖處隱約不以爲悔

而系以銘非獨慰其子乃亦以誥於今之士銘曰  
符公樣迂貌也廩家食無儲富藏書爲吏淹徐耶競趨  
威行惠濡弊以祛歸老一廬靜恬愉惟學忘劬行璠與  
鏡石埋詞賁幽墟

朝列大夫浙江布政司叅議徐君墓誌銘

君姓徐氏諱瑤信之其字也十歲能屬文倪文僊公一  
見奇之謂其叔祖助教公曰徐氏有子矣受叔父命憲  
公訓學益進弘治庚戌登進士篤觀政戶部嘗攝監收  
倉粟能革諸弊給賞遼東官軍被徵輿疾不以勤辭授  
知垂容縣屬歲執寬禁緩責勞徠賑卹全活甚衆縣有

黃洋渡兩潦時至冒其旁田溢爲巨浸君聞知其弊乃  
發卒隄築延數百丈仍歲大熟民則歌呼曰德我者徐  
公乎由是相與名曰徐公隄云均編籍之役置平糴倉  
治狀稱最入爲南京戶部主事改工部分司儀真丁母  
憂服除補南京刑部陞員外郎郎中君治職勤敏奮欲  
有爲操憲任法里中舊故請謁拒閉強明自信者也然  
擢貳浙藩未幾輒告罷嗟乎遇合興廢不可違于命蓋  
久矣况持獨恃難合之見以居羣觀儔譽之地雖慎履  
矜行猶難之世嘗謂君爲同列所中傷或置懟愠其間

豈如命之調哉君去官家居益貧然不以屬意時集名



倚彈暮賦詩曠行竟日未卒數日猶然忽告君被疾  
歿遠近歎息浴閱焉其卒之日嘉靖三年四月某日也  
距王景泰庚午年七十有五徐氏蘇人入國初爲江寧  
人曾祖諱樸祖諱本父諱溥皆弗仕父以君故封刑部  
員外郎娶某氏生子四人忠道忠謀忠爵忠護女適士  
人林陸孫男女各三人君善於爲文尤喜作歌詩所存  
有石林藁若干卷是年十月某日塋於某山祖塋之次  
太宰建安楊公謂嵩曰信之吾同年友也于浙又嘗爲  
僚信之直厚而簡易不爲城府交久能敬仕而才惜弗  
究其施也其卒吾無以慰其孤惟塋有石將子是託焉

鉛棠集卷十 誌銘

四

明日諸孤奉通政叅議黎君狀以至中公命乃銘詞曰  
車堅御良周道孔夷孰遏孰擠而蹶其馳嗟乎徐君委  
順何尤太宰篤舊予闡厥幽

贈奉政大夫浙江按察司僉事朱公墓誌銘

贈奉政大夫浙江按察僉事朱公今巡撫湖廣都御史  
克諧之父也奉政公以正德辛未三月二十日塋宅東  
之先塋十有七年矣嘉靖丁亥十二月十八日都憲自  
河南叅政還遷墓于南昌廖方山之原啟夫人馬氏之  
塋合而窆焉禮也至是都憲告予曰先親之不幸不肖

也囊無餘金篋無匹帛以歛嗚呼其可哀也惟是塋未  
有銘非敢緩蓋有待也茲願得子銘追納諸壙中庶幾  
以慰吾親於地下以塞吾悲嵩哀其詞諾焉蓋都憲於  
正德間以選爲御史舉職無所避忤逆瑾意勒停家居  
怒猶未釋復責輸邊粟數百石當是時顛沛播越甚矣  
夫人聞報憂悸遂至大故奉政公謀鬻貨以給其費雖  
勞瘁窮阨而不以咎其子曰是道當然也及瑾誅詔起  
都憲于家而奉政公不祿矣嗟夫居位盡職仕者當然  
也自都憲嬰謹之禍爲善者懼矣及起官卽署歷藩臬  
聲績懋著陟今官大顯于時誥書追榮其親然後論者

曰履正終吉天于善人無不報而固有遲速焉故予于  
書公之塋也首著其事如此以爲世勸而後叙次其世  
而系以銘公諱層字大喬進賢朱坊里人也宋德祐時  
諱雲字德敏者無嗣以女弟之子豐城袁氏敬叔爲嗣  
今朱姓敬叔之後也四傳至國初諱慶炎字仲雅者仕  
至禮部尚書從弟舜字仲詔以明經舉本縣儒學訓導  
伯仲聯美家有廣庭植桂二株人號雙桂朱氏訓導生  
子文宏文宏二子次曰繼初繼初生孔寬公之父也公  
奮德厲行稱鄉里善士夫人協力儉勤植其家公生年

日享年七十又六歲入前卒戊辰冬十二月七日



七十子二人長卽都憲各廷聲克諧字也次廷用孫男  
璽珽璇璣珊珍琮曾孫男七尙幼云銘曰

朱世大家顯自尙書八座奮庸以有令譽衣冠之傳徽  
八弗嗣爰復其初暨公有子權疆所忌夙與甌逢教以  
義忠曷怨曷恫屯艱榮觀物理相紹孰知公榮乃在身  
後 皇有錫命秩號賁幽昭德琢辭以勵好修

奉政大夫福建按察司僉事伍公遷塋誌

公卒且塋二十年矣是惟正德庚辰之歲予湘濡視地  
於里歐源江鳳山下謀改塋冬十有一月壬申乃塋乃  
奉書加幣告于太史氏嵩曰先公嗣德象賢實大有家

繪堂集卷三

誌銘

六

爲孝子涖官有惠政爲良守長有捍賊功爲各監司維  
是遷厝有誌敢以請惟伍氏遠有代序自臨清丞諱洪  
若園初進士公之高祖也曾祖諱綸祖諱冕仕至樂清  
令贈監察御史樂清生二子長封員外郎諱體祥次御  
史諱驥公之考也公諱希閔字仲孝舉進士釋褐得隨  
州守繇隨州拜福建按察僉事奉勅專駐上杭上杭者  
御史公所嘗建功之地也蓋天順間有寇起上杭御史  
時按閩督帥討平之染瘴瀉輿疾還京歿朝廷命立祠  
置祭賜額褒忠至成化間杭復有寇劉昂起攻城劫獄

正備按壤爲之動觸省臣合請廷議增設兵備憲臣任

治吏部以公名上遂拜焉公至謁祠而後臨政其爲  
子以此隨湖廣大州也然民罕土著多遠方商販朋比  
爲姦有猾商欲奪鄰賈財得丐者毆斃之以訟賈賈不  
能辨將誣服公坐猾商而賈獲免富室嫠婦無子其所  
贅壻與父之兄子夜入室殺嫠婦奪其財而詐以盜訴  
公疑非盜詰其情得同謀誅之旱澇民多潰散公撫字  
有方流亡薦復生齒日繁其里戶二曰歸仁歸化者公  
所增也其爲良守長以此劉寇之發連結武平永定衆  
至十萬議者欲殲三邑公至則力止之以討賊自任乃  
首務招服放免者以千數渠魁投見勞以酒食俾擒賊

卷之三 誌銘

七

自劾立二團營招撫脅從者居之以散其黨其驍鷲弗  
下者廼擣巢擒之未幾漳寇溫文進又起公親統精銳  
兼道倅至一鼓平之分巡汀漳詢民瘼剷蠹弊斥貪墨  
理冤抑禁賭博風采整肅當道屢疏薦杭人由公像卽  
褒忠之後堂祠焉其爲各監司以此公丁繼母憂還甫  
禫巡撫汀贛都御史金公澤言上杭自公去嗣職者不  
勝任桴鼓數起請還公舊治詔如金公言於是公在杭  
凡十有二年每給由輒奏留之最後以地方告靖得行  
過家卽引疾乞休矣公少與從兄方伯公孟賢並稱穎

異業春秋有名其所著訂學



官橫時方伯亦謝政歸集怡怡如也其生正統丁巳  
月二十六日其卒弘治己未六月二十三日年六十有  
三夫人王氏有淑德子男二曰湘濡也銘曰

伍氏大姓顯人世多御史暨公父子甲科烈烈御史按  
治于閩披攘大盜義聲以振 帝曰忠哉捍患勤事抗  
士之南作廟攸祀後二十年公繼其來豸冠繡服以濯  
兵臺行臺嚴嚴實邇公祠攝事致謁庸謹孝思革其動  
勦緩以靜治卓緒殊聞公考是似公昔戾止邦人父寧  
公之歸矣稱鼓數與材之具宜而弗遠至位止于斯惟  
命之制公歿既久遷墓在茲惟名弗斲乃刻銘詩

欽定四庫全書  
卷之三

八

南京守備晏公墓誌銘

嘉靖甲午六月十有二日南京守備司禮太監晏公卒  
于位年七十有二公性恬約被服儒素非賓會食不重  
味一室蕭然圖史外無他玩好歿之日幾不能殮衾堪  
徹䟽取足斂形已矣留都公卿百執事下逮閭閻卒伍  
之微咨美悼歎之弗置嗟乎賢矣公諱宏宇約之其先  
楚人也幼入禁庭侍 孝宗皇帝於春宮弘治初以舊  
勞累陞至太監賜蟒衣玉帶內府乘馬雅善書法 孝  
皇特賜端硯以寵異之勅督京通倉儲菟革積弊關節

第人耳目爲晏御史 孝皇宣天公悲脫庸墓表

香 泰陵居三年遂乞養疾杜門越十有三年

龍飛首起公鎮守陝西召對便殿玉音勞遣之公既至  
鎮務以德惠拊循其人興墜補弊不遺餘力貶損騶御  
廩餼取給朝夕倣古義倉意置餘廩以贍貧乏尤重文  
教崇飭先聖及武成之廟增補通鑑綱目小學諸書刻  
梓以傳治績超美 天子賜勅嘉獎擢南京司禮太監  
俾領守備則雅操彌勵一鎮以靜數以老疾求代溫詔  
慰留旋召入典東廠蓋 上意睠注方置宥密而公已

病不良于行矣初公夫怙恃莫省所在既貴悲思營虛  
塚具衣冠以塋疾革戒家人以賜硯殉蓋其忠孝大節

餘黨集卷十 誌銘

九

如此於是 上聞賜諭祭詔有司給驛歸公之喪塋都

城章華村其孫英哀泣請銘於留都諸大夫諸大夫合  
詞曰司禮行應銘銘必得史氏乃以屬嵩嵩攷前史闕  
尹氏若景監繆賢史游呂強之儔皆以懷謙納忠有所  
補益名焯焯在史冊乃今有忠公靜廉守職奉法如晏  
公者是可使之無傳也哉銘曰

繫古宮卿房闈是職筦執要華沿代靡極于惠于威叢  
暹類殖嗟惟司禮廉靜方直處濶弗膏踊躬允飭有勳  
堯明皇鑒如日星枉遂良起公遺佚休命肅將所至宣  
力三補懷仁舊京用講室有餘編囊無羨積美軼徑賢



動幾軌則壽考令終久有報國之帝聞其咨與情孔關  
章華之村爰卜窀穸我銘曷從惟以書德令譽弗諉來  
者斯式

漢陽知府馬公墓誌銘

漢陽知府致仕馬公諱輿字良載正德庚辰閏八月二  
十六日卒明年二月十九日塋堰川西山之原適予北  
上道嘉興其季弟駟從子郡學生淮奉狀泣拜請銘嘉  
守徐侯子謙亦爲之請曰此邦之長者也願無靳於銘  
予諾焉從其家得公爲御史時遺疏而讀之當孝皇臨  
御時崇獎言職公感奮自効多所論列糾劾權倖諤諤

餘卷字誌銘

十

無少避其犯天津陳六事言甚剴切 上皆嘉納焉兩  
廣都御史秦紘劾總兵柳景不法事景遂誣紘以自違  
朝廷貸景而罷紘官公率同列疏景賊濫貽害邊民紘  
爲風憲大臣明正典章分所當然其忠所宜獎乃被譴  
逐其何以慰邊徼人心而風厲士大夫 上悟置其事  
而紘後擢爲戶部尚書南京守備內臣驕恣不法鑿石  
聚寶山之陽公按覈其罪嘗詰捕徽池按江北屯田監  
權龍江闕風采茂著時稱之曰才御史云公生而超異  
器宇宏偉舉成化丙午鄉薦丁未登進士會 憲廟升

憲廟詔修江南實錄遷授南京山西道監察御史羅

知南陽府調知漢陽未幾以親老乞休論者謂公可大  
屬乃早退弗究於用豈其命耶平居憂先天下每見時  
艱輒嘆息不置閭閻利弊力白郡縣罷行之長厚和易  
雖接幼賤假以色辭覲德飲醇者弗忍欺焉其先正統  
戊辰十月某日年七十有三元配沈氏贈孺人繼沈氏  
貞靜有至性公沒後悲慕晨夕哭不絕聲後八日自經  
死公無嗣今為嗣者仲弟輪之次子坤也馬氏其先蘓  
州人公之祖諱榮始遷嘉興故今為嘉興人考諱驥封  
監察御史妣葉氏封孺人銘曰

馬侯振振遭帝聖仁正色危言直道以信載其方端弗

鈴山堂集卷三十一

十一

毀于素漢濱南陽竟與時忤退處而休孰怨以尤順正  
歸全乃闕茲邱

霸州知州郭君墓誌銘

君諱坤字崇載姓郭氏裔出唐節度使汾陽王世家大  
原十世祖恩始遷高平乃人稱高平郭氏云曾祖諱欽  
封監察御史祖諱資河南光州知州考諱定進士歷知  
通鄭邳三州事所至舉其職娶邢氏生君君少刻志問  
學領宏治己酉鄉薦任陝西藍田知縣其民素悍且侈  
君治悍以法易侈以儉俗稱稍近古宿豪大猾畏君如

神明威道走境外治以最聞陞霸州知州州畿輔近地



祈禱輒應發廩賑貸二方之人德之大盜劉七起境內  
勢甚倡獫君單騎抵賊所開陳禍福反復懇至賊感泣  
惶恐約且解散聞者曰是果汾陽喬耶會逆豎索賄于  
賊激之南下攻屠城邑遠近騷然向使君之謀不撓即  
禍當不至此烈也有權璫者奪民田君按以法或曰彼  
且銜公奈何曰吏以庇民乃殃民以自庇邪執不變權  
璫者竟失由君亦竟為璫所中罷去家居不問世事足  
不履公府日與所知觴詠自娛而已年六十有二以嘉  
靖丙戌正月廿有九日卒後十有一年以子璿在諫

議 賜誥進階奉直大夫配王氏封大宜人當君之存  
也太宜人相以儉德故君雖貧而若裕其後撫二子教  
以義方故君雖沒而益振稱賢配焉後君十有九年以  
甲辰六月四日卒于京師官邸享年七十有九子男二  
長即璿歷戶科都給事中陞太常少卿掌四夷館事次  
璿戶部郎中孫男曰治泰曰治統于是太常奉太宜人  
柩西歸將以年月日合塋於君北莊之墓而請銘于予  
予聞之語曰有陰德者後必大郭君世為良吏其治人  
之澤殆不可縷數然仕皆不甚顯又璿亦以歸乃今太

通志誌而逆銘之俾爲善者有勸也銘曰  
汾陽之孫其澤尚存高平始遷曰惟太原延德不替洽  
於後昆以威治霸霸民懷恩方盜始起一言可諭及其  
既猖三軍真禦吏率自芘罔民之恤君志恤民力犯權  
敵鋤強樹良厥政屹屹除彼狼莠嘉穀以植光鄭之績  
歷霸再揚三世親民遺清白芳天降餘慶厥後乃昌福  
以考終聞則無疆淑配慈儉後隕同藏勒氓新阡以大  
弗亡



誌銘

封翰林院檢討郭君墓誌銘

封尚寶司少卿徐君墓誌銘

贈南京工部員外郎葉公遷墓誌

榆次知縣崔公墓誌銘

適齊簡先生墓誌銘

拙齋袁翁墓誌銘

安處士墓表

汪處士墓表

鈐山堂集卷第三十一目錄

劉處士墓誌銘

誌銘

明故討翰林院檢討郭君墓誌銘

君諱錦字尚綱姓郭氏南昌豐城人也世居縣西北十里曲江之上兒時舉止嚴整不肯同羣兒戲里中長者多器之父淇川翁諱俊嘗行賈吳越間致饒裕以貲授君使習賈君雅不喜賈又不善權子本低昂歲餘貲貲遽耗請於淇川翁曰此非兒所能願改往業儒淇川翁許之君於是負篋徒步從師受易又受春秋已又受尚書精于尚書工爲文詞顧就試有司連弗利則嘆曰敢

徐壘叢書

誌銘

一

於賈困於學命矣夫於是今贊善君希顏生六齡矣穎異絕倫君感憂有異徵乃又歎曰吾聞積不厚不發窮不極不通意者其在吾子乎遂杜門不復就試以尚書授希顏朝夕講辯鈎引穿貫奧析隱湖而希顏克傳其學嘉靖壬午希顏年甫十四髮黝然垂頰而舉子鄉鄰人觀者駭矚盈堵淇川翁大喜曰夫士惡可弗擇所習邪吾兒果成其志又十年希顏登進士入翰林爲庶吉士授國史檢討又二年 皇太子生君以恩例受封如希顏官又三年册立東宮希顏被簡陞春坊右贊善仍

張檢討君寓普濟院勉以教忠蓋希顏不獨以文學稱



其邁往勇特執議侃侃當所自信不少徇于  
嘗折諍學士祀議及監國議下又獨抗疏以爲不可嗟  
乎固可以觀君之爲教矣君素端肅以禮自將所居曲  
江介豪族而豪族人嚴重之莫敢有犯平居不干預官  
府事獨與親知結里社歲時伏臘會飲盡樂飲雖多捍  
讓愈飭蓋其性行如此去歲庚子九月二日君奄卒于  
家先是傳君得腹疾飲食頓減希顏悸不自定謀乞歸  
養而訃已至距生成化甲辰八月八日享年五十有七  
曾祖諱原德祖諱惟信皆有隱德配雷氏封孺人子男  
四長即希顏次希曾希思俱縣學生次希蓋早夭女一

給事中卷三 誌銘

通縣學生杜遷善孫男二汝寧汝成希顏解官歸將卜

某年月日於某山之原以葬而匍匐持其友閔中允所  
著狀詣予請銘以饒諸石夫以希顏之材之地崇顯可  
捐取有而君則澹然不少待然其後也其所克享者又  
惡可涯涘哉是故不宜無銘也銘曰

業賈易儒既室而通操誠致羸利孰與豐山川出雲膚  
寸晦蒙厥施霑霽瀰于太空君子用遇不必自躬式穀  
貽嗣維以教忠湛思遐祿未見其終尙焯于潛銘告無

四

君姓徐氏諱元相字弘弼常州宜興人少師兼太

師吏部尚書華蓋殿大學士贈太師特進左柱國文

公之子也上世鍾離人南唐時九世祖諱綱者尉於

愛宜興山水之勝遂家焉高祖諱福封戶部郎中曾

諱鑑永樂間知瓊州府事有惠政民立祠祀之祖諱

隱德不仕自戶部公三世俱累贈少傅兼太子太傅戶

部尚書謹身殿大學士祖妣妣俱一品夫人君少則穎

敏日能記千言爲文出句輒有奇氣而限於足疾因棄

學某守家事幹理井井有條文靖公旣入相以俸餘建

家廟置祭器及爲義田以贍宗族君將事承志有助焉

徐彙卷三 志銘

歲歉君發粟以賑貧疫死無歸者具衣棺殯之稱貸弗

能償者輒焚其券姻族賓友遠方寒士賴君助者甚衆

禁飭童僕毋作非法公喜曰是吾志矣公在任雖遠必

時致鮮食未致不敢嘗晚年釋去家事放志林壑風日

晴和雪月澄朗放舟携壺隨興所至手爲丹青以寄其

適足跡不入城府二十餘年預營壽藏於紫雲山垣宇

幽僻超然有塵外之觀焉朔望謁家廟畢坐中庭諭子

孫勉以不替先聞配禱宜人偕老相敬如賓宜人先卒

君無他侍媵子文燦由祖恩官奉直大夫尚寶司少卿

君受封如其官然仕服不特御旣年八秩有司奉恩制



具冠服粟帛貽君君曰封典可致耄期難逢乃始御佐服論者謂君行不易方性不矯俗樂不失真動不違禮蓋實錄云君生天順辛巳正月四日距卒嘉靖壬寅八月二十八日享壽八十有二子男六長卽文燦次文燿錦衣千戶出爲季叔元概後次文燭廣宗知縣次文輝上林苑監丞次文燁鴻臚通事次文炫早卒女三長適濟源縣丞沈誥次適成國公榮康朱公今太保公希忠之嫡母也幼適雲南按察司經歷陳道成孫男十四人魯孫男六將塋太保朱公曰外氏世載令德法宜得銘以彰示永禩乃自述狀而屬銘于予銘曰

徐自遷宜毓靈秀令德起家自瓊守餘慶迓祥發而厚

四

篤生文靖相 明后功在社稷昌厥後飭躬訓禮來庭授義洽宗姻達賓友世德方隆復遐壽諸昆螿螿登章綬紫雲佳城何永久鏡石勒詞示弗朽

贈奉直大夫南京工部員外郎葉公遷塋誌

嘉靖壬午之秋南京工部員外郎葉君鵠以詔例得贈其考石山翁如已官階奉直大夫距公之卒且塋七年矣工部視地於邑來蘇鄉之吳塘謀改塋壤厚流隴卜者曰祥癸未五月二十一日塋焉旣乃確石刻制詞塋

墓上而屬嵩誌其世系居事行以昭示永久誌曰八

清父諱志顯娶龔氏生三子伯明德早世仲珠任爲丞

春縣令季卽公也端直信厚篤行友睦兄卒撫姪恩甚  
嘗割地以益其居民鬻產者必厚償其值曰彼以貧故  
也建橋濟涉發儲粟賑灾其貧而弗能償者未嘗問也  
公以上世皆弗仕永春仕亦弗顯故每督諸子以學禮  
經師於塾姻族子弟招致館穀費自己出配丁氏有賢  
行能助公所爲由是卒見其子舉進士授浦城令擢六  
安州皆迎食其祿鵠修職有聞率公之教然論者以公  
積德累善宜有子而非特其教之力也性不善飲雅好

餘載卷三

誌銘

五

賈客燕必盡懼危坐終日不以爲勞既老而精神愈固  
正德丙子十一月十二日卒于六安之官舍年七十有  
三生正統甲子十二月二十三日初配丁氏繼配以周  
氏子五人長鵬次鵠卽工部次麒次麟次鴻友二人孫  
男十人欽鏞鏞鏞鏞鏞鏞鏞鏞鏞鏞鏞鏞鏞鏞鏞鏞鏞鏞  
州以至今官而子鏞鉞俱幼有異質績學大成葉宗將  
曰盛公之慶未艾也銘曰

葉系石林肇居弋陽再徙羊石代晦其光積厚發闕初  
膏終侈簪笏升朝繫公有子子有祿食親則享之人曰  
好德公實宜之公歸既完公澤靡竟雲仍蛻蛻以篤其



慶業光下燭錫命自天峙此銘詩爲告新阡

榆次知縣崔公墓誌銘

榆次公旣卒且塋二十有八年矣子三畏爲南京刑科給事中而奉其母太孺人楊來居無何太孺人卒予往吊給事袒括號慟拜且祈曰先君之卒也三畏幼愚且賤銘誌未備蒸以母喪還將卜日合塋於榆次公墓惟先生哀而賜之銘予教國學於給事有一日之雅弗克辭按狀榆次公諱岑字萬峰姓崔氏家世蠡人曾祖顯祖甫儀皆弗仕考諱翔舉鄉薦爲含山儒學教諭公承家學繼舉于鄉遊太學大司成稱其文以示多士士從

榆次知縣崔公墓誌銘

六

遊者衆居父塋墓廬講學不倦數上春官弗第就選爲榆次令邑大健訟難治公剴裁無留事以其餘力勸學校公署圯敝者一新之督諸生程課親爲講說訓誘學者日起征虜大將軍師出境上車徒數萬張甚虓虎公從容酬給芻糗資犒接濟有方闔境倚以爲安治榆五年惠立感振旁近諸邑罔不賢榆次公者然公性介特莫適自負以寔直事上官上官卽非禮遇之不爲屈旣有違言則慨然歎曰是不可以已耶卽日謝事歸盡其後榆次人勒石作去思碑又述公治績彙爲錄傳焉公

卒于正德丁卯九月二十四日享年五十四歲

三聘次三畏鄉曲第五人進士甲科出宰大谷考最擢  
今官授勅命贈公文林郎封母爲太孺人太孺人溫慎  
儉勤克稱內助卒于嘉靖甲午八月三日享年八十孫  
男四孔登孔躋孔升孔愚女三適某某孫女三亦各許  
聘士族銘曰

崔氏迪德業治經博曰職訓端範刑公生剛明思奮升  
再仕弗耀後乃與爰有苞羽翔 帝庭如源斯瀦流瀦  
澗銘勒玄石揚芬馨

適齋簡先生墓誌銘

適齋簡先生今大理丞騰芳之父也大理爲御史按注

徐忠彥卷三 誌銘

七

擢今官念先生年高過家欲留侍先生屢趣之曰往哉  
共職同報無以我爲念也於是大理不得已乃行獨居  
京師嘗鬱鬱增疾乃今訃至先生之卒嘉靖九年五月  
三日也年七十有七大理解官歸將以年月日葬某山  
之原而屬嵩誌諸墓嵩姻也其奚以辭謹按先生諱成  
字緝典以字行臨江新喻人曾祖諱某祖諱顯漢考諱  
應夢皆隱德弗仕先生少穎異過人弱冠卽爲鄉塾翁  
子師端嚴謹重里中人爭延致之久之弗樂羈束棄去  
携貨一涉荆吳之境間遇奇勝篇詠逸發已而輒復還

曰適意而已豈必窮所至爲快哉先生嘗自謂少無他



兄弟未卒所業結屋東園督諸子讀書其間外楹兩芝  
繼生人以爲瑞大理庾景英特造詣閎肆先生固心偉  
之曰是當成吾志已而大理果領鄉薦報至衆賀芝不  
廬生先生曰未也已而舉進士宰石首黃岡二縣已而  
召爲臺有馳封之典先生皆預策之如所期焉初大理  
令石首迎先生就養弗許語之曰潔已行端恕人量廣  
審思事得作善福興茲而有能爲養大矣故大理所歷  
有善狀以清白著稱超副九列爲時能臣先生之教也  
先生自奉甚樸服無華草室靡媵侍至族里周恤加厚  
撫外氏之孤匡厥孱弱賴有立焉元配黎氏同邑步溪  
望族有賢行封孺人繼配閔氏子長印大理霄騰芳也  
次縣學生霖次秋芳女適敖周翰先生博通書史旁及  
山經地志陰陽琴卜之學善以時日卦例定事休咎毫  
髮不爽凡先生之行出大理所自述又得太史歐君崇  
一所著狀皆合予乃爲銘曰

惟意之爲適匪以好遊惟義之爲訓匪祿養是謀嗟若  
人兮好修其藏茲邱兮銘以闡其幽

拙齋袁翁墓誌銘

分宜異時其俗朴其人淳樞故多壽考拙齋翁雖既老  
入里門必步鄒飲禮請不數赴優老恩例受恩幣非

其好教服布素鮮綺不肯一御子孫不能強也嘉靖乙酉正月四日以壽終年八十有五云翁諱璋字宗鼎姓袁氏其先自寧州西山徙分宜入國朝族始大號車曰袁氏高祖諱子芳生彥明彥明生象賢領永樂丁酉鄉薦象賢生正理翁父也翁生而敦重不逐羣兒戲十歲喪母鞠于祖母夏侯氏夏嘗語人曰昌吾家者其此子乎君外樸而中慧遇事剖析有條善治生身致殷富雖歲居月積而施舍哀益相爲流通識度恢濶銖兩不數數較然計所獲乃倍他人數數較銖兩者少時父遺之治粟于莊今取遺利自殖翁卒事無纖毫私曰吾兄窮

何可苛之人有意難周之恐後里中貧窶待以舉火芻酪暴露掩塋尤衆兄子二人早世翁盡力經紀其喪而撫其遺孤皆有立其篤於義如此然匪以學蓋天質也初娶黃氏繼夏氏並有婦德子一人曰怡太學生子少則與太學君同邑校因始識翁翁以冢孫應樞求婚于子先祖尙書公曰袁翁令德長者可弗諾諸卽主聘焉應樞今選貞禮部孫男六人次應蘭應蕙應槐俱邑學牛次應桐應琴女適陳相黃乾曾孫男西銳鏗欽鏞於是翁塋縣西昌田墓木拱矣予嘗許爲銘从末執筆也應樞屢奉父命以請謹一乎德人云亡不可作矣向之朴



者日以澆靡叙次翁守而糸以銘庶幾以識余之慨莫  
云爾銘曰

世競利以讐兮吾跡羸而弗取世徇侈以怵兮蹇獨安  
此素履嗟哉拙翁敦樸自躬如璞未斲有美在中厥邱  
崇隆厥木蒼葱厥來多祉施于孫子

### 安處士墓表

江之南有遺佚之士常州無錫堠村里安君嘉靖十三  
年閏二月癸丑終于里第明年二月乙酉塋于膠山塋  
之日四方來觀駢軫接艦溢于塗川子裕州大夫遣使  
告哀乞辭留都於是琢石紀德揭于新阡云君諱國字

餘音卷三 誌銘

十

民泰其先黃姓高祖叔英來繼于安明善氏則是族之  
本也父諱祚娶司馬氏溫國文正公之裔是生君君體  
質豐碩儀止詳華開朗之識發乎髫髻年弱冠爲州閭  
所服兼覽羣籍靡不尋暢恭已飭行愛衆親仁微密儉  
清晦而不耀由是月且高於鄉評究其所立可謂好禮  
尙志偉出不群者矣君初承世基夙號殷裕旣自崛起  
大振原田莠芻困翕裁錫川之稼如茨如雲父歿後  
不數年富俸封君矣然君志軌先民而不規近俗之陋  
風凌物表而希播百代之風是故知貴勤以食力也故

林澤嘗農時細夫穡人出不息之半以補其役知捐

財以植義也故恤憚發賑窮乏焚券盈庭蠲租二萬石  
養無告之老知禮義以阜俗也故闢門延師號曰義塾  
以教里之子弟知景行以崇哲也故飭李忠定張中丞  
之祠知利濟以廣惠也故甃通商之澄鑿溉之渠發濬  
塘之粟知篤親以尚厚也故撫猶子之孤賑舅氏之落  
賙業師之壘其它義行不可殫述初尙書西蜀李公慈  
撫東南講求水利時濬白茆塘方壘作舍之謀屢稌盈  
庭之議及得君指畫方畧舉措合宜勸懲有法民勇於  
事迄于成功公大喜恨相見之晚尙發海島中丞伍公  
延君至幕下策多咨焉事平伍公言于朝爰有銀牌之

錫君雅負經畧志存烝人俾獲用世厥所建立又豈少  
哉君嘗言曰昔人足蹟半天下而吾不出環堵亦吳人  
已爾乃北遊燕薊攀銀山望天壽抵居庸觀日岱宗視  
禮孔林已而泛大江躡匡廬循襄漢以憇于武當又道  
荆溪登龍池涉震澤窺搜天目諸山乃東至海上掠錢  
塘採禹穴窺天台鴈宕而還遊各有圖紀之詩君所爲  
詩卽事暢懷高遠清遂自成一家言然則遺物超俗可  
觀於斯矣君譽聞遐邇所至達官重卿虛館授祭文人  
騷士雲附景從或以爲江南大豪不知深慈樂易敬讓  
以得也方將零逸駕於洪厓馳遐轡於鸞洛凌宇宙以



高挹跨烟雲以長遊李齡五十有四遭病而卒聞者慨  
惜焉君有子七人如山舉進士甲科入選中秘出領方  
州如磐如石如京如岡如陵如某皆競爽雋茂過庭受  
試學有造就予以歲丙戌典教國庠如山來立館下溫  
敏而有文長膏統不見盈侈之色雍雍恂恂有足異  
也因撫之而嘆曰蘭生謝庭玉產崑岡其有自乎已而  
觀故相邃翁太宰龍灣廖公尚書二泉邵公鳳山秦公  
往與君相善咸有論撰炳炳可考於是慨然痛君以遠  
志卓行溘然淪亡微美弗述後將曷傳緬懷高蹤式表  
幽隧用貽于後之有識者云爾其銘曰

餘皇集卷之三 誌銘

十二

於惟安君稟氣淑靈合和匿耀避迹巖局耽藝樂術貫  
究典墳振展雲嶽弭棹蘭津坡山之幽桂樹叢生婆娑  
謳吟遺忽世纓鳴瑟在御談扇猶新鴻儀零謝覲德無  
因懷哉永思刻石紀文身歿各流億載永芬

### 汪處士墓表

汪處士歙州潛川人也家世以貨雄曾祖彥實祖仕賢  
考承德高尚弗仕皆以義聞處士益振其先君之業能  
不私其財以賑鄉里歲饑所活甚衆嘗製采著之衣千  
襲以散施貧民夷佛嶺之道鑿石築亭以便行者率埃  
衆建祠祀先爰行義事而閭閻德色潛川之人稱焉登年

商遊齊魯有難者處士以金買之既而母子相攜  
慟哭不忍去處士憫然歸其女而道金不問民饑無所  
得食則赴水自湛處士亟募篙工拏舟拯之義聲震一  
時齊魯之人稱之如潛川焉處士享年八十有四終于  
家其遺邇孰獨窮窶之人皆曰汪公亡吾無所告依而  
生訟爭弗決者曰安得汪公在一言卽渙然釋矣其興  
慕弗忘如此處士諱相字以輔別號澹菴生宣德乙卯  
十一月三十日其卒以正德戊寅十二月十九日配張  
氏有賢行子二曰柳曰櫛孫男四文柯太學生文翊文  
瑄文玠俱郡學生予往讀少傳王文恪公所著澹菴說

鈐菴集卷三

誌銘

十三

謂處士春秋八十而有童孺之色曰近古之息心人也  
旣已得翁之爲人同寅潘公歛人也又亟道翁善弗置  
嗚呼處士以一布衣而能施澤於人假令有官秩膺民  
社寄其不能憂人之憂澤之所及不尤廣耶而世有官  
秩膺民社寄者視民之窮非惟弗加恤又從而厲焉則  
如處士者其可不表以爲後勸耶系之銘曰

汪自越國肇封于唐勲在王室德庇其鄉縣宋歷元節  
火嚴祀璽勛金書昭于世世惟公之姓碩大延蕃其來  
者遠如流有源孰散其藏而弗自有載其休聲以遺永  
久惟公懋德實大其門壽豈令終說說子孫俾哉潛川



百室攸萃爲壽有後惟汪公是視

耕隱劉處士墓誌銘

處士諱暹字景暉劉姓本泰和株林與前吏部尚書劉  
崧同出南唐學士某之裔祖世明徙家萬安石洲遂稱  
爲石洲劉氏六傳曰朝德者仕元爲廉訪司知事於處  
士爲曾祖祖諱彥達以易經魁江西鄉試仕終府學教  
授父諱善慶正統己未進士官至刑部員外郎娶郭氏  
生君兄第三人而君最季髮未植卽失父母獨與二兄  
居父更廉寡遺賢君推財聽兄無所校兄景仕爲桂林  
府同知君念家督在己乃不爲舉子學學爲詩甚滿探

欽定四庫全書

志略

十四

蒐古籍名家句解節會久之放意敷詞往往不落世調  
可覽誦又喜讀史研核今往興衰治亂之故間出已見  
置論褒損且慕許由善卷嚴陵之爲人颯颯寓遐心焉  
劉氏世以節縮築富君尤朴嗇自善故產著益豐然顧  
義而尚懷忮其女兄有子曰蕭垣少孤危君取鞠於家  
爲豈婚還其奪業竟得存女兒後性喜客隨具治食爲  
娛酒酣輒誦先世遺文召諸孫及他子弟聽之自傷早  
孤遇祖考愍忌必變服泣奠絕弗修浮屠事厭風水陰  
陽拘忌之說每日誦景純乃不自傷其窮壘經何可信

地盤謂篤論平生蹤跡城府終身不疑更議自號耕隱

人亦呼爲耕隱先生云君紫鮮疾病嘉靖丁酉九月三日微不適遂終於正寢生景泰甲戌年八十有四配蕭氏繼配顏氏子男三長椿早世仲柳青田縣學訓導季杞封文林郎龍溪知縣孫男五長天球次天授舉進士初令龍溪入爲刑部主事次天錫天職天簡將葬刑部以文林公之命具處士行實乞予銘其言曰先祖有善弗揚不孝無是而稱之之謂誣不肖不敢陷於斯二者其友陳進士昌積稱引克合可徵爲之銘曰  
萬也可以秉獲瀦也可以遠注揭揭處士植義務滋有  
善弗施吾見其孫執憲而文是將大其門乎



